



**«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»  
ՀԻՄՆԱԴՐԱՄ**



**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ 2022  
ՀԵՏԱԶՈՏԱԿԱՆ ԱՇԽԱՏԱՆՔ**

**ԹԵՄԱ**՝ «Օրգանիզմը որպես օրգան համակարգերի ամբողջություն» թեմայի  
ուսուցումը համագործակցային մեթոդներով

**ԱՌԱՐԿԱ**

Կենսաբանություն

**ՀԵՂԻՆԱԿ**

Գայանե Խաչատրյան

**ՄԱՐԶ**

Շիրակ

**ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ** Երազգավորսի միջնակարգ դպրոց

## Բովանդակություն

Ներածություն.....	3
1.Համագործակցային մեթոդները և դրանց առանձնահատկությունները.....	4
2.«Օրգանիզմը որպես օրգան համակարգերի ամբողջություն» թեմայի ուսուցումը համագործակցային մեթոդներով.....	11
Եզրակացություն.....	14
Գրականության ցանկ.....	15

## Ներածություն

Արդիականություն: Մեր երկրի կարևոր հարստություններից մեկը գիտական ներուժն է, որի ձևավորման պատասխանատվությունը կրում է նաև հանրակրթությունը: Հասարակական բոլոր փոփոխությունները ազդում են նաև կրթական համակարգի վրա: Հետանկախացման տարիներին ՀՀ հանրակրթության մեջ իրականացվում են կրթական բարեփոխումներ, որոնք անդրադառնում են կրթության կազմակերպման տարբեր հարցերի: Համագործակցային մեթոդների կիրառումն ինքնանպատակ չէ. դրանք պետք է ուղղված լինեն սովորողների ինչպես մտավոր ու զգայական կարողությունների, այնպես էլ ինքնուրույնության, սոցիալականացման և այլ հմտությունների զարգացմանը:

Համագործակցային ուսուցումը մեծ ճանաչում է ձեռք բերել բազմաթիվ երկրների ուսուցիչների և ուսուցիչների պատրաստում և վերապատրաստում իրականացնողների կողմից: Այս գործընթացում աշակերտներն զգում են, որ հաջողության հասնելու համար իրենք միմյանց կարիք ունեն: Աշակերտները, միմյանց օգնելով, իրար հետ մտքեր փոխանակելով, միմյանց ոգևորելով ձեռք են բերում վարքային հմտություններ և նպաստում են ուսման արդյունավետության բարձրացմանը: Եթե աշակերտները կիրառեն համատեղ աշխատանքի համար անհրաժեշտ հաղորդակցման հմտությունները, ապա կստացվի արդյունավետ համագործակցություն: Ուսուցիչը պետք է նպատակաուղղված կերպով ձևավորի երեխաների հաղորդակցման կարողություններն ու հմտությունները: Այն իր մեջ ներառում է ղեկավարման, որոշումներ կայացնելու, վստահության, հաղորդակցվելու, հակասությունների կառավարման և լուծման կարողություններ:

Աշխատանքի նպատակն է՝ ուսումնասիրել համագործակցային մեթոդների առանձնահատկությունները և կազմել դասի պլան կիրառելով դրանք:

Աշխատանքի խնդիրներն են՝ Ներկայացնել համագործակցային մեթոդները և դրանց առանձնահատկությունները, կազմել համագործակցային մեթոդների կիրառմամբ դասի պլան՝ «Օրգանիզմը որպես օրգան համակարգերի ամբողջություն» թեմայով:

## 1. Համագործակցային մեթոդները և դրանց առանձնահատկությունները

Քաղաքացիների կյանքի պայմանները բարելավելու և խաղաղությունը պահպանելու ու զարգացնելու նպատակով Հայաստանը լիիրավ ինտեգրվել է համընդհանուր տնտեսության և տարածաշրջանային քաղաքականության հիմնախնդիրներին: Հայաստանի դպրոցները և ուսուցիչները այսօր առնչվում են միանման խոչընդոտների: Կրթության ոլորտի աշխատողները ամենուրեք գիտակցում են, որ դասավանդման և ուսուցման հնացած ձևերը այլևս անկարող են ստեղծել ու զարգացնել գիտելիքներ ու հմտություններ, որոնք անհրաժեշտ է քաղաքացուն գիտելիքների տնտեսության մեջ բարեկեցիկ կյանքով ապրելու համար:

Այսօր հաջողության հասնելու համար ուսուցիչներին հարկավոր է երեխաներին կառավարելու և օգնելու նոր եղանակների, անհրաժեշտ մոտեցումների խոր ընկալում: Համագործակցային ուսուցումը կիրառող ուսուցիչը պետք է լինի համբերատար խմբի անդամներին ուղղորդելու համար: Հաջողության առանցքը համարվում է ուսուցչի նախապատրաստությունն: Ուսուցիչը պետք է ամեն ինչ պլանավորի մանրամասնորեն, այդ թվում նաև աշակերտների գործողությունը և գնահատումը: Համագործակցային մեթոդների օգտագործումը դասերի ընթացքում բարձացնում է նյութի ընկալումը, մեծացնում հետաքրքրությունը ուսուցանվող նյութի նկատմամբ:

Բոլոր դպրոցներում անհրաժեշտ են դասավանդման և ուսուցման այլընտրանքային նոր մոտեցումներ: Կրթության ոլորտի աշխատողները եկան այն եզրակացության, որ ուսուցման գործընթացում համագործակցային ուսուցման մեթոդները կիրառումը բարենպաստ միջավայր կստեղծի մտածողության զարգացման համար: Համագործակցային ուսուցման արմատները գալիս են դեռևս Ջոն Դյուի աշխատություններից: *Ջոն Դյուին* ընդգծելով կրթության կարևորությունը, այն դիտարկում է որպես ուսուցման այնպիսի մեխանիզմ, որը քաղաքացիներին սոցիալժողովրդավարական համակարգում համագործակցության սկզբունքներով ապրելու ունակություններ է տալիս:<sup>1</sup>

---

<sup>1</sup>Վարդույան Ս., Ջադիյան Ն., Հարությունյան Լ., Գարի Վարելլա, Ժամանակակից մանկավարժական մոտեցումներ, Երևան, «Նոյյան տապան» հրատ., 2005, էջ 175:

Համագործակցային ուսուցման պատմության մյուս կարևոր դեմքը սոցիալական հոգեբանության մասնագետ *Քրիթ Լևինն* է, որը 30-40-ական թթ. Կարևորել է խմբային աշխատանքի դինամիկայի նշանակությունը:

1989թ.-ին *Ջոնսունը* և *Ջոնսունը* կատարեցին 193 հետազոտություն, որոնցում համագործակցային ուսուցումը համեմատվում էր դասավանդման առավել ավանդական ձևերի հետ: Ուսումնասիրությունները ցույց տվեցին, որ հետազոտությունների արդյունքում համագործակցային ուսումնառության մոտեցումները դասավանդման ավանդական ձևերից ավելի արդյունավետ էին:

Ավելի վաղ Ջոնսունները և նրանց գործընկերները /1981/ հրատարակեցին համագործակցային ուսումնառության 122 հետազոտություններ՝ արդյունքի չափանիշ ընդունելով ուսումնական առաջադիմությունը:

Արդյունքը հիմնավորեցին տարբեր առարկաների ոլորտները և տարբեր տարիքային խմբերն ընդգրկող ուսումնասիրություններով: Ուսուցչի կողմից փորձարկվող միջոցներից մեկն համարվում է դասավանդման խնդիրների լուծումը՝ համագործակցային ուսուցմամբ:

Շատ կարևոր է իրարից տարբերել ավանդական խմբային աշխատանքը և համագործակցային ուսուցումը: Ուսուցիչներից շատերն են դասավանդման ընթացքում կիրառում խմբային աշխատանքը, սակայն քչերն ունեն ուսուցման գործընթացում համագործակցային ուսուցման հիմնական տարբերն ու մեթոդները ինտեգրելու համար անհրաժեշտ վարպետություն: Այդ իսկ պատճառով, համագործակցային ուսուցումը քիչ է կիրառվում դասարանում, և դպրոցում կիրառվող փոքր խմբերով աշխատանքներն ավելի շատ խմբային աշխատանքներ են, քան համագործակցային ուսուցում:

Ուսուցումը համագործակցային է համարվում այն դեպքում, երբ աշակերտները միասին, զույգերով կամ փոքր խմբերով աշխատում են մի ընդհանուր խնդիր լուծելու, մի ընդհանուր թեմա հետազոտելու կամ նոր միտք, նորարարություն իրականացնելու համար: <sup>2</sup>

Յանկալի կլինի, որ խմբերում լինեն տարբեր կարողությունների և տարբեր

---

<sup>2</sup> Խաչատրյան Ս., Ուսուցման ժամանակակից մեթոդների կիրառումը տարրական դասարաններում, Գյումրի 2006, էջ 18:

մտածողությունների տեր աշակերտներին, որը հնարավորություն կտա առաջարկվող նյութը դիտարկել իր ողջ բազմազանության մեջ: Աշակերտներից յուրաքանչյուրը հնարավորություն կունենա ներկայացնելու իր տեսակետը և ծանոթանա մյուսների տեսակների հետ: Այս կերպ նրանք սովորեցնում են իրար և սովորում են իրարից: Կօգնի երեխաների հետաքրքրությունների խթանմանը և ստեղծագործական ակտիվության զարգացմանը: Խմբային աշխատանքի ամենագնահատելի հատկանիշը համարվում է խմբի անդամների միջև համագործակցությունը, որի արդյունավետությունը կախված է մեթոդապես ճիշտ տարվող գործունեությունից: Ուսուցիչը պետք է հաշվի առնի յուրաքանչյուր աշակերտի կարծիքը և կայացրած որոշումները:

Համագործակցային ուսուցումը այլընտրանքային մանկավարժական մոտեցում է: Այն ենթանդրում է խմբային աշխատանքի համագործակցության նոր մշակույթ: Համագործակցային ուսուցման կարևոր պայմաններից է խմբի անդամների միջև դրական աջակցող փոխկախվածության ապահովումը:

Համագործակցային ուսուցումը որպես այլընտրանքային մանկավարժական մոտեցում, մեծ ճանաչում է ձեռք բերել բազմաթիվ երկրների ուսուցիչների և ուսուցիչների պատրաստում և վերապատրաստում իրականացնողների կողմից: *Դրա լայն տարածմանը նպաստող գործոններից են՝*

- 1.Դասարանում ուսուցումը սովորողի անհատական առանձնահատկություններին հարմարեցնելը
- 2.բազմակողմանի կրթական նպատակներին միաժամանակ հասնելու հնարավորությունը
- 3.ուսուցման առանձնահատկություններին, ժամանակակից մոտեցումներին համահունչ լինելը

**Համագործակցային ուսուցման տարրերն, ըստ Ջոնսոնների, հիմնականում հինգն են.**

1. Դրական փոխկախվածություն. Խմբում ձևավորվում է միմյանց օգնելու, խրախուսելու, աջացելու մթնոլորտ: Սովորողի ջանքերն ուղղվում են ընդհանուր նպատակին համատեղ հասնելուն: Այն նպաստում է հանդուրժողականության և վստահության ձևավորմանը: Քննարկումներն ու ձգտումներն օգնում են խմբի անդամների փոխհարաբերություններին:

2. Դեմ առ դեմ, խթանող փոխազդեցություն. Խմբի անդամները համագործակցում են, փոխանակում են տեղեկություններ, կարծիքներ և ռեսուրսներ, մշակում և վերլուծում են տեղեկությունը, ապահովում են հետադարձ կապ, քաջալերում և աջակցում են միմյանց՝ ընդհանուր նպատակին հասնելու համար:
3. Անհատական հաշվետվություն և պատասխանատվություն. Խմբի յուրաքանչյուր անդամ պատրաստ է պատասխանելու և մտքեր փոխանակելու, կրում է պատասխանատվություն ուսուցման արդյունքների համար, խմբի մաս է, գաղափարներով և մտքերով կիսվում է մյուս անդամների հետ, պատրաստ է ներկայացնելու խմբի աշխատանքի արդյունքը:
4. Սոցիալական հմտություններ. Խմբի անդամների միջև ձևավորվում են վարքագծային նորմեր՝ անադմուկ աշխատանք, ներկայություն մինչև աշխատանքի ավարտը, խոսողին հետևելը, առաջադրանքը կատարելիս ներդրում ունենալը:
5. Խմբային գործընթաց. Խմբի անդամների հաջողությունների, փոխհարաբերությունների, համագործակցության բարելավման հետ կապված խնդիրների քննարկման փուլ է: Դրանք զարգացնում են սոցիալական հմտությունները, ապահովում են խմբի անդամների գործողությունների և մասնակցության հետադարձ կապը:<sup>3</sup>

Հետագայում այդ տարրերին ավելացվեց ևս մեկը:

*Պասսի Մահլբերգը* փոխներգործուն առաջադրանքը դիտարկում է որպես համագործակցային ուսուցման 6-րդ տարր:

Համագործակցային ուսուցման տարրերի կիրառումը նպաստում է դասարանում նոր՝ համագործակցային միջավայրի ձևավորմանը, օգնում է ուսուցչին հասկանալու էությունն ու պլանավորելու դասը, պայմաններ է ստեղծում ուսուցման արդյունավետության գնահատման և արժևորման համար:

Ուրիշների հետ աշխատելու, և համագործակցային ստեղծագործական աշխատանքից առավելագույնս օգուտ քաղելու էական պայմաններից մեկն ուրիշի տեղում իրեն պատկերացնելու կարողությունն է, քանի որ դիմացինի տեսակետի ըմբռնումն աշակերտներին հնարավորություն է տալիս ավելի հեշտությամբ

---

<sup>3</sup> <https://hy.wikipedia.org>

հարմարվել կյանքի պահանջներին:

Համագործակցային ուսուցման մեթոդով վարվող դասերը բնորոշվում են հետևյալ *առանձնահատկություններով*.

1. Ուսումնական նպատակների իրականացման համար սովորողները աշխատում են թիմերով:

2. Թիմերում ընդգրկված են ուժեղ, միջին և թույլ սովորողներ:

3. Խրախուսվում է ամբողջ խումբը և ոչ թե որևէ անհատ:

Համագործակցային ուսուցման ընթացքում խմբի յուրաքանչյուր անդամ ակտիվորեն ներգրավում է ուսուցման մեջ, իսկ նոր գիտելիքը մշակվում և յուրացվում է հենց աշակերտի միջոցով:

Համագործակցությունը ստեղծում է ինքնաձանաչման ավելի բարձր մակարդակ, քան անհատական ուսուցման եղանակները: Համագործակցային իրավիճակներում աշակերտները միտված են փոխներգործելու, նպաստելու միմյանց հաջողությանը, ձևավորելու հետաքրքրությունների լայն շրջանակ:

Ուսուցչի գործը ամենից կարևորվող, օրեցօր ավելի գնահատվող մասնագիտություններից է: Այն հաճելի, միաժամանակ մեծ պատասխանատվություն առաջադրող մասնագիտություն է: Նա միջնորդ է հանդիսանում մեծերի և փոքրերի աշխարհի միջև: Նրան՝ ամենապատասխանատուին, է հասարակությունը վստահում իրենց ամենաթանկը՝ երեխայի ճակատագիրը: Այսօր հաջողության հասնելու համար ուսուցիչներին հարկավոր է երեխաներին կառավարելու և օգնելու նոր եղանակների, անհրաժեշտ մոտեցումների խոր ընկալում: <sup>4</sup>

Համագործակցային ուսուցումը կիրառող ուսուցիչը պետք է լինի համբերատար խմբի անդամներին ուղղորդելու համար: հաջողության առանցքը համարվում է ուսուցչի նախապատրաստությունն: Ուսուցիչը պետք է ամեն ինչ պլանավորի մանրամասնորեն, այդ թվում նաև աշակերտների գործողությունը և գնահատումը:

Համագործակցային ուսումնառության արդյունավետ իրականացման պահանջներն են.

---

<sup>4</sup> Հովաննիսյան Ա., Հարությունյան Կ., Խրիմյան Ս., Խաչատրյան Ս., «Համագործակցային ուսուցում», Երևան, «Անտարես» հրատ., 2006, էջ 48:



- 1.Ստեղծել միջավայր, ուր թե ուսուցիչը, թե աշակերտը մտածում են:
- 2.Ստեղծել պայմաններ, որտեղ աշակերտները ձեռք են բերում իմաստավորված ուսումնական փորձառություն:
- 3.Պետք է աշակերտներին հստակ և պարզ ներկայացնել կատարվելիք աշխատանքի նպատակն ու ակնկալվող արդյունքները:
- 4.Ամեն կերպ խթանել մտավոր աշխատանքը:
- 5.Ստեղծել նորարարական մտքերի և բազմակարծության հնարավորություններ ընձեռող միջավայր:

Համագործակցային ուսուցման գործընթացում աշակերտներն զգում են, որ հաջողության հասնելու համար իրենք միմյանց կարիք ունեն:

Աշակերտները, միմյանց օգնելով, իրար հետ մտքեր փոխանակելով, միմյանց ոգևորելով ձեռք են բերում վարքային հմտություններ և նպաստում են ուսման արդյունավետության բարձրացմանը:

Խմբերը չեն կարող արդյունավետ համագործակցել, եթե աշակերտները չեն կիրառում համատեղ աշխատանքի համար անհրաժեշտ հաղորդակցական հմտությունները: Ուսուցիչը պետք է նպատակաուղղված կերպով ձևավորի երեխաների հաղորդակցման կարողություններն ու հմտությունները: Այն իր մեջ ներառում է ղեկավարման, որոշումներ կայացնելու, վստահության, հաղորդակցվելու, հակասությունների կառավարման և լուծման կարողություններ:

Համագործակցային ուսուցման մեթոդներով դասերը վարելու վեց հիմնական քայլերն են.

- 1.Դասի նպատակի հստակ սահմանում
- 2.Սովորելու շահագրգռվածության ապահովում
- 3.Տեղեկատվության մատուցում
- 4.Համագործակցային խմբերի ստեղծում
- 5.Սովորողների թիմային աշխատանքների կազմակերպում ղեկավարի աջակցությամբ
- 6.Թիմային աշխատանքի վերջնական արդյունքի ներկայացում:

Գոյություն ունեն համագործակցային ուսուցման տարբեր մեթոդներ, որոնք

ունեն ինչպես նմանություններ, այնպես էլ տարբերություններ: Համագործակցային ուսուցման մեթոդների շարքին են պատկանում՝

- Աշակերտների թիմային առաջադիմություն
- Խճանկար
- Շրջագայություն պատկերասրահում
- Երեք բանալի և մեկ կողպեք
- Հինգ բույսերից ազատ շարադրանք

### *1. Աշակերտների թիմային առաջադիմության մեթոդ*

*Ձոն Հոփկինսի* համալսարանի պրոֆեսոր *Ռոբերտ Սլավինը* մշակել է համագործակցային ուսուցման նշված մեթոդը, որը խթանում է աշակերտների առաջընթացը: Այն խթան է հանդիսանում ցածր առաջադիմությամբ աշակերտների համար, քանի որ նրանք նույնպես ներդրում ունեն թիմի արդյունքում: Այս մեթոդը հնարավորություն է տալիս գնահատելու և առաձին խմբերի, և աշակերտների, որը համարվում է մեթոդի առավելություններից մեկն:

### *2. Խճանկար /Ջիգսո/*

Այն նույնպես համագործակցային ուսուցման մեթոդ է, որը մշակել և փորձարկվել է Տեխասի համալսարանում՝ Էլիոթ Արոնսոնի և նրա գործընկերների կողմից, հետո լրամշակվել է Սրավինի և գործընկերների կողմից:

Խճանկարը կիրառվում է տարբեր ձևերով: Օրինակ՝ աշակերտներին կարելի է բաժանել 4 կամ 5 անդամ ունեցող տարասեռ խմբերի: Յուրաքանչյուր խմբին հանձնարարել դասի մի հատվածը և որոշակի ժամանակ աշխատելու համար: Ժամանակը լրանալուց հետո խմբերը ներկայացնում են բառեր, դրանցով կազմում նախադասություններ կատարում լեզվական աշխատանքներ և այլն: Յուրաքանչյուր խումբ սովորում է դասի մեկ հատվածը, բայց արդյունքում սովորում են ամբողջ դասը՝ դադարեցնելով աշխատանքը և ուշադիր լսելով բոլոր խմբերի պատասխանները: կարող է ունենալ նաև փորձագետի խումբ՝ «Ջիգսո 2», որի փուլերն են.

1. Նյութի ուսումնասիրություն և տեղեկատվության հավաքում

2. Աշխատանք փորձագիտական խմբում
3. Աշխատանք ուսումնական խմբում
4. Ավարտական աշխատանք
5. Ամփոփում

### *3. Շրջագայություն պատկերասրահում*

Սա «Խճանկար» մեթոդի տարատեսակ է, որի նպատակն է փոխանակել տեղեկություններ, մշակել գաղափարներ և կատարել անդրադարձ, զարգացնել լսելու, ինքնուրույն աշխատելու քննադատաբար և ստեղծագործաբար մտածելու, ցածրաձայն խոսելու, աշխատանքի արդյունքը ներկայացնելու հմտություններ:

### *4. Երեք բանալի և մեկ կողպեք*

Աշխատանքը կարելի է կատարել զույգերով կամ խմբերով: Այս մեթոդը կարելի է կիրառել այնպիսի դասերի իմաստի ընկալման փուլում, որոնք բավականին ծավալուն են:

Աշակերտներին առաջարկում ենք դասից դուրս գրել երեք նախադասություն /երեք բանալի/, որը կարևոր է այդ նյութը յուրացնելու համար, բնագրից ընտրել մեկ նախադասություն /կողպեք/, որը կամփոփի, կընդանրացնի ասելիքը, միտքը, գաղափարը: Այս մեթոդով աշխատելիս աշակերտների մոտ ձևավորվում է ընտրություն կատարելու, գլխավորը երկրորդականից տարբերելու հմտություն, ինչչպես նաև համագործակցելու, իր ընտրությունը հիմնավորելու կարողություն:<sup>5</sup>

## **2.«Օրգանիզմը որպես օրգան համակարգերի ամբողջություն» թեմայի ուսուցումը համագործակցային մեթոդներով**

*Առարկա՝ Կենսաբանություն*

*Դասարան՝ 8-րդ*

*Դասի թեման՝ Օրգանների համակարգերը: Օրգանիզմը՝ որպես միասնական ամբողջություն<sup>6</sup>*

*Դասի տիպը՝ նոր նյութի հաղորդում*

*Դասի նպատակը՝ Աշակերտները.*

<sup>5</sup> <https://multiurok.ru/blog/hamagortsakts-ayin-owsowts-man-met-odnere.html>

<sup>6</sup> Սիսակյան Ա.Հ., Թանգամյան Տ.Վ., Միրզոյան Գ.Ի., Կենսաբանություն: Մարդ: 8-րդ դասարանի դասագիրք. Երևան, <<Տիգրան Մեծ>>, 2014. Էջ 11:

- Կիմանան մարդու օրգանիզմի կառուցվածքը,
- Կտվորեն մարդու օրգան համակարգերի տեսակները, կառուցվածքները և գործառույթները,
- Կամրապնդեն միմյանց հետ հաղորդակցվելու կարողությունները:

*Անհրաժեշտ պարագաները՝* դասագիրք, պաստառներ, պլակատներ, գունավոր մատիտներ:

*Ցուցադրական նյութեր՝* հենաշարժիչ, մարսողական, սիրտ-անոթային, շնչառական համակարգերի պաստառները և մոդելները:

*Հիմնական հասկացությունները՝* օրգան, օրգանների համակարգեր՝ հենաշարժիչ սիրտ-անոթային, իմունային, շնչառական, մարսողակա, արտազատական, սեռական, նյարդային, ներզատական, ծածկող:

### **Ընթացքը՝**

Կատարել հին դասի հարցում և տնային աշխատանքների ստուգում:

Այս փուլում կարելի է կիրառել «Խճանկար» կամ «Զիգսո» համագործակցային մեթոդը:

Դասարանը բաժանել 4 կամ 5 անդամ ունեցող տարասեռ խմբերի:

1-ին խմբին հանձնարարել սովորել դասի առաջին հատվածը՝ Մարդու օրգանները

2-րդ խմբին հանձնարարել սովորել՝ Օրգանների համակարգերը:

3-րդ խմբին հանձնարարել սովորել՝ օրգանիզմը՝ որպես միասնական ամբողջություն հատվածը:

Խմբերին տալ 20 րոպե ժամանակ:

Ժամանակը լրանալուց հետո յուրաքանչյուր խումբ պետք է ներկայացնի իր սովորած հատվածը:

1-ին խմբից սպասելի արդյունքներն են, որ խմբի անդամները կարողանան գրատախտակին գրել և հնարավորինս հասկանալի բացատրեն հյուսվածքները:

Դրանքն են՝

- Էպիթելային
- Շարակցական
- Մկանային
- Նյարդային

Յուրաքանչյուր աշակերտ պետք է ներկայացնի մեկ հյուսվածք:

2-րդ խումբը պետք է կարողանա ներկայացնել օրգանների համակարգերը, համապատասխանաբար գրելով գրատախտակին: Դրանք են՝

- Հենաշարժիչ
- Մարսողական
- Սիրտ-անոթային
- Շնչառական
- Արտազատական
- Սեռական
- Նյարդային
- Իմունային
- Ծածկող և ներզատական

Յուրաքանչյուր աշակերտ պետք է ներկայացնի 2 օրգան համակարգ:

3-րդ խումբը պետք է կարողանա ներկայացնել Օրգանիզմը՝ որպես միասնական ամբողջություն:

Անդրադարձ կատարելով 1-ին խմբին հարցեր պետք է տրվեն 2-րդ և 3-րդ խմբերին,, 2-րդ խմբի հարցերը՝ 1-ին և 3-րդ խմբին, իսկ 3-րդ խմբի յարցերը 1-ին և 2-րդ խմբերին:

Այնուհետև կարելի է լրացնել դասագրքի էջ 15-ում գտնվող աղյուսակ 2-ը, որը կարելի է նախօրոք ունենալ մեծ պաստառի վրա գծված, որպեսզի տեսանելի լինի աշակերտների համար:

*Լրացրե՛ք աղյուսակի դատարկ վանդակները:*

N	Օրգան	Օրգանների համակարգ
1.	Երակ	
2.	Գեղձ	
3.	Լյարդ	
4.		Իմունային
5.	Կոկորդ	
6.		Հենաշարժիչ
7.	Զվարան	

Աշխատանքի ավարտից հետո գնահատել և՛ խմբերին, և՛ առանձին աշակերտներին:

## Եզրակացություն

Հետազոտությունների համաձայն համագործակցության ժամանակ զգալիորեն բարձրանում է սովորողների զգալի մասի մտածողական գործունեության բեղմնավորությունը: Արդյունքում սովորողների մեջ նկատվում է ուսումնական նյութի ավելի խորն ու համակողմանի վերլուծություն և վերջինիս հիման վրա առավել ամբողջական ու լիարժեք ընդհանրացումներ:

Առանձնապես լավանում են ցածր և միջին առաջադիմություն ունեցող սովորողների մտածողական գործունեության արդյունքները:

Համագործակցային ուսումնառության ժամանակակից մեկնաբանությունները ցույց են տալիս, որ համագործակցային ուսումնառությունն ու ճիշտ կազմակերպված խմբային աշխատանքը ոչ պակաս արդյունավետ է նաև լավ սովորողների համար, քանի որ հայտնի է, որ սովորեցնելով սովորելը յուրացման ամենաբարձր մակարդակն է ապահովում:

Համեմատելով ու վերլուծելով վերը նշված տեսակետները մեզ մնում է ամբողջացնել, որ համագործակցային ուսուցումն ու ուսումնառությունն, անշուշտ, ներառում է ուսումնական խնդիրների իրականացում ընկերների հետ սոցիալական փոխազդեցության, հաղորդակցության և համագործակցության միջոցով ինչպես նաև ակտիվ մասնակցություն հանձնարարված առաջադրանքների կատարմանը: Իսկ որպես ուսուցման նպատակ ու խնդիր հանդես են գալիս ոչ թե գիտելիքների ու հմտությունների մեխանիկական փոխանցումը, այլ գիտելիքների կառուցման, մտածողության և հմտությունների ձևավորման ակտիվ գործընթացը, որտեղ առաջնային դերակատարումը պատկանում է հենց սովորողներին և նրանց սոցիալական փոխազդեցություններին:

## Գրականության ցանկ

1. Խաչատրյան Ս., Ուսուցման ժամանակակից մեթոդների կիրառումը տարրական դասարաններում, Գյումրի 2006, 96 էջ:
2. Հովաննիսյան Ա., Հարությունյան Կ., Խրիմյան Ս., Խաչատրյան Ս., «Համագործակցային ուսուցում», Երևան, «Անտարես» հրատ., 2006, 123 էջ:
3. Սիսակյան Ա.Հ., Թանգամյան Տ.Վ., Միրզոյան Գ.Ի>, Կենսաբանություն: Մարդ: 8-րդ դասարանի դասագիրք. Երևան, <<Տիգրան Մեծ>>, 2014. -208էջ:
4. Վարդումյան Ս., Ջաղինյան Ն., Հարությունյան Լ., Գարի Վարելլա, Ժամանակակից մանկավարժական մոտեցումներ, Երևան, «Նոյյան տապան» հրատ., 2005, 402 էջ:
5. <https://multiurok.ru/blog/hamagortsakts-ayin-owsowts-man-met-odnere.html>
6. <https://hy.wikipedia.org/>